



ილიას სახელმწიფო უნივერსიტეტი



საქართველოს ჰაილაინტის
ჯიოვანი ბიბლიოთეკა

ფილიპე

ბეთლემის
საგალობელი

ფილიპე
ბეთლემის საგალობელი

ბეთლემის საგალობელი

ფესუთა მათგან ოქროანთა შემკული ხარ შენ, ქალწულო, იაკინთე ძოწეული სამოსლად გაქუს, ღმრთისმშობელო, ლამპრითა მით ბრწყინვ[ა]ლითა მიგეგებ[ვ]ით, დედოფალო, ითხოვე შენ მოტევებად ბრალთა ჩუენთად, დიდებულო. პატიოსან და წმიდა არს სახელი შინი, სანატრელო, ეკლესიად ბეთლემისად ცათა მსგავს არს, უბიწო[ო]. ბუნებათა შემოქმედი ვიცანთ შენგან, ჳ ბეთლემო, ემსგავსე შენ სამყაროთა [ზე]ცისათა, ჳ წმიდაო, თაყუანის ვსცემთ ქუაბსა მაგას დიდებულსა, ჳ უხრწნელო, ლოცვად ჩუენი შეიწირე, ბაგასა მას მწოლარეო. ეც მოსავთა შენთა პოვნად წყობისად, სახიერო, მადლი შენი მფარველ მეყავნ მე უღირსსა, მოწყალეო, ისინე დღეს თხოვად ჩემი ცოდვილისად, მწყალობელო.